

Broj: 03-02-1235/2020
Sarajevo, 17.12.2021. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući

- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 17-12-2021			
Org. jed.	Broj	Priloga	Vrijednost
01-	02-	1909	20

PREDMET: Veza naš akt broj: 03-02-1235/2020 od 18.11.2021. godine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 184. i 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i čl. 177. i 178. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **AMANDMAN VLADE FEDERACIJE BOSNE I HERCEGOVINE NA PRIJEDLOG ZAKONA O GASOVODU „JUŽNA INTERKONEKCIJA BOSNA I HERCEGOVINA I REPUBLIKA HRVATSKA“**, koji je utvrdila Vlada Federacije Bosne i Hercegovine na 295. sjednici, održanoj 16.12.2021. godine.

Amandman Vlade Federacije Bosne i Hercegovine postaje sastavni dio Prijedloga zakona o gasovodu „Južna interkonekcija Bosna i Hercegovina i Republika Hrvatska“, koji sam u parlamentarnu proceduru, radi razmatranja i usvajanja, dostavio aktom broj: 03-02-1235/2020 od 18.11.2021. godine.

Amandman se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog: kao u tekstu na bosanskom jeziku

**Cc: Federalno ministarstvo energije, rudarstva i industrije
gosp. Nermin Džindić, ministar**

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 73. stav (4) Poslovnika o radu Vlade Federacije Bosne i Hercegovine-Prečišćeni tekst („Službene novine Federacije BiH”, br. 6/10, 37/10, 62/10, 39/20 i 67/21), Vlada Federacije Bosne i Hercegovine je, na 295. sjednici održanoj 16.12.2021. godine, utvrdila

**AMANDMAN
NA PRIJEDLOG ZAKONA O GASOVODU „JUŽNA INTERKONEKCIJA BOSNA I
HERCEGOVINA I REPUBLIKA HRVATSKA“**

AMANDMAN

U tekstu Prijedloga zakona o gasovodu „Južna interkonekcija Bosna i Hercegovina i Republika Hrvatska” član 10. briše se i zamjenjuje sa novim članom, kako slijedi:

”Član 10.

- (1) Uslove zaštite okoliša za izgradnju gasovoda Južna interkonekcija Bosna i Hercegovina i Republika Hrvatska propisuje Federalno ministarstvo okoliša i turizma.
- (2) Okolinska dozvola izdata do dana stupanja na snagu ovog zakona smatra se rješenjem o odobravanju studije o procjeni uticaja na okoliš u smislu odredbi Zakona o zaštiti okoliša (“Službene novine Federacije BiH”, broj 15/21) i ostaje na snazi 10 godina od dana njenog izdavanja.
- (3) Nakon isteka roka iz stava (2) ovog člana, zaštita okoliša osigurava se na temelju važećeg Zakona o zaštiti okoliša i podzakonskih propisa.”

OBRAZLOŽENJE

Nacrt zakona o gasovodu „Južna interkonekcija Bosna i Hercegovina i Republika Hrvatska” (u daljnjem tekstu: Zakon o južnoj interkonekciji) prihvaćen je Zaključkom Predstavničkog doma Parlamenta Federacije BiH, broj: 01-02-1909/20 od 09.12.2020. godine, te Zaključkom Doma naroda Parlamenta Federacije BiH, broj: 02-02-1909/20 od 28.01.2021. godine. Parlament Federacije BiH je navedenim zaključcima zadužio predlagača da izradi Prijedlog predmetnog zakona. U skladu sa naprijed navedenim, Prijedlog zakona utvrđen je na 291. sjednici Vlade Federacije Bosne i Hercegovine održanoj dana 18.11.2021. godine.

U vrijeme pripreme Nacrta zakona o južnoj interkonekciji na snazi je bio Zakon o zaštiti okoliša („Službene novine Federacije BiH”, br. 33/03 i 38/09) koji je propisivao obavezu pribavljanja okolinske dozvole za gasovode. U cilju olakšanja realizacije projekta Južne interkonekcije, Nacrtom zakona o južnoj interkonekciji predviđeno je oslobađanje od ove obaveze te osiguranje zaštite okoliša kroz izradu studije o procjeni uticaja na okoliš.

Međutim, u periodu izrade i donošenja teksta Zakona o južnoj interkonekciji, investitor je već pribavio Rješenje o okolinskoj dozvoli broj: UPI 05/2-02-19-5-43/21 od 16.06.2021. godine u skladu sa Zakonom o zaštiti okoliša („Službene novine Federacije BiH”, br. 33/03 i 38/09), te na taj način riješio pitanje odobravanja realizacije projekta sa aspekta zaštite okoliša.

Stoga je potrebno izvršiti izmjene Prijedloga zakona o južnoj interkonekciji u članu 10. na naprijed predloženi način kako bi se predloženo zakonsko rješenje uskladilo sa faktičkim stanjem, odnosno kako se investitoru ne bi nametale dodatne obaveze.

Dodatno, u međuvremenu je usvojen novi Zakon o zaštiti okoliša („Službene novine Federacije BiH”, broj 15/21) koji je stupio na snagu u aprilu 2021. godine i koji je stavio van snage stari Zakon o zaštiti okoliša. Novim Zakonom o zaštiti okoliša izmijenjen je način odobravanja realizacije projekata sa aspekta zaštite okoliša.

Konkretnije, u skladu sa odredbama novog Zakona o zaštiti okoliša, projekti izgradnje gasovoda odobravaju se na osnovu rješenja o odobravanju studije o procjeni uticaja na okoliš koje prestaje da važi u roku od 3 godine ukoliko investitor ne pribavi odobrenje za građenje.

Imajući u vidu odredbe novog Zakona o zaštiti okoliša predloženim izmjenama Zakona o južnoj interkonekciji već izdata okolinska dozvola smatra se Rješenjem o odobravanju studije o procjeni uticaja na okoliš, a rok važenja produžen je na 10 godina, kako bi se osigurala efikasna realizacija predmetnog projekta.

V. broj: 1850 /2021
16.12.2021. godine
Sarajevo



PREMIJER
Fadil Novalić